



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 45. Bullæ contra Ladislaum in Bohemia promulgatæ.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

similis erat, in hac enim vinum, pisces, ^{Sæcul. XV.}
 carnes, & quicquid delicatior appeteret A.C. 1411.
 palatus, venum exponebatur, cum ta-
 men sua suorumque domesticorum men-
 sa admodum parca atque jejuna esset;
 exiguum quoque famulorum numerum
 alebat, cunctis sua eidem servitia de-
 ferre abhorrentibus. Sordida hac vi-
 vendi ratione ab omnibus contemptui
 habebatur; nulla erat ejus auctoritas
 tam in Ecclesiasticis, quam in publicis
 regni negotiis, nec amicos sibi obsequiis
 conciliare: nec inimicos suos imperio
 reprimere potens; minus vero idoneus
 ad Pragensem Archiepiscopatum cum
 decore gerendum, vi cujus tamen Primas
 Regni, S. R. I. Princeps & S. Sedis Apo-
 stolicæ Legatus natus colebatur. Qua-
 propter cum Ecclesiæ Pragensis admini-
 stratio omnino conferenda esset cuidam
 Viro, qui tanto oneri atque honori par
 esset, præfecit ei summus Pontifex Con-
 radum Vissegradensis Ecclesiæ Decanum
 & Olomuci in Moravia Episcopum, qui
 paulo post ad ipsum Pragensem Archie-
 piscopatum evectus fuit.

§. XLV.

*Bullæ contra Ladislaum in Bohemia
 promulgatæ.*

Wenceslaus, utpote Ludovico Ande- *Raynald. ad*
 U 5 gaven- *an. 1411. n. 2.*

Sæcul. XV.
A.C. 1411.

gavenſi, proin etiam Pontifici admodum propenſus, Bullas Joannis XXIII adverſus Ladislaum datas, mox ut advenerant, lætus acceptavit, ac per totum Bohemiæ regnum publicari juſſit, adjecta in eos pœna, qui ſeſe illis opponere præſumerent. Nihilominus Huſſitæ a Joanne Huſſo Pragam reverſo ſtimulati, eas acriter impugnabant, dicentes: Vicario Chriſti indignum eſſe facinus, quod Chriſtianos ad fidelium cædes excitaret. Joannes Huſſus exinde opportunam ſpurium ſuum zelum exerendi occaſionem nactus, mordaci lingua adverſus Indulgentias, & ſacras militias invehi cœpit, proterve Legatis Papæ reſpondens: ſe etiamſi aſſaretur vivus, nunquam tamen ſummi Pontificis Conſtitutionibus obtemperaturum, ac protinus reſponſi ſui temeritatem purgaturus, libellum aſſigi juſſit, quo omnes Doctores, Religioſos, alioſque provocavit, ut contra Theſes, quas de Pontificia bellum ſacrum indicendi poteſtate expoſiturus eſſet, ſecum decertaturi convenirent. Igitur præſtituta die ad certamen descendunt, ſed nonniſi clamoribus dimicatum, ipſo etiam Hieronymo Pragenſi ibidem verbosum valde ſermonem perorante: Academiae Rector hancce Joannis Huſſi impudentiam ſtomachatus omnes diſcedere præcipit, quo factò Scholares Hieronymum de Praga, populus

populus vero Joannem Hussum comitan- Sæcul. XV.
A.C. 1411.
tur usque ad Ecclesiam Bethleem, quam
prædices quidam Nobilis, Joannes de
Mulheim erexit, dotavitque, illiusque
curam sibi concreditam Hussus habebat.

§. XLVI.

*Seditio Hussitarum contra Indulgen-
tiarum Prædicatores Pragæ
orta.*

Altera post disputationem die redeunt
ad clamores, & Hussitarum non pau-
ci communibus votis decernunt, se nul-
latenus indulgentias prædicari permiffu-
ros. Moxque in Verbi divini Præcones
violentas manus injiciunt, inhumanis
verberibus ac verbis eos dure excipiunt,
adeo, ut Universitatis Rector Joannem
Hussum, & Hieronymum de Praga, qui
gratia apud populum valebant, adire at-
que rogare compulsus esset, ut sua au-
thoritate seditiosorum tumultus compe-
sicerent, ac certiora mutuæ cædis peri-
cula averterent. Annuit uterque, dum
vero proxima die Dominica quidam Sa-
cerdos de bello sacro verba faceret, &
paulo durius contra Joannem Hussum
declamaret, quidam Sutor gente Polo-
nus Prædicatori in pleno confesso men-
dacii calumniam impingere ausus est. In
alia quoque Ecclesia Hussita quidam a-
perta